

Diphetogo go Mokgwatšhomo wa Khasetomo wa Tlišogae

Tshwane, 8 Agosetose 2024 – Ditirelo tša Motšhelo tša Afrika Borwa (SARS) di dula di ikgafetše go fana ka hlathollo le tlišetšo ya phethagatšo ya tagafara ya yona ya go hlatloša kgwebišano ya maleba ya tšwetšopele ya ekonomi ya naga mehleng ye ya *e-Commerce* yeo e golago ka katološo e kgolo. Se se tla fihlelelwa ka go dira gore go be bonolo go latediša mesepelo yeo e oketšegilego ya dithoto.

Go fihlelela tagafara yeo e le go ka godimo, SARS e lemogile dipelaelo tšeo di tlhagišitšwego go tlišogae ya dithoto tše mmalwa, kudu diaparo ka *e-Commerce* ke palo e mmalwa ya batlišagae bao ba bego ba sa lefelele makgethwana ao a lebanego a Khasetomo le VAT go ditlišogae tše, gomme se se dira phadišano yeo e sa nepago le bakgathatema ba diintasteri tše dingwe.

Dipelaelo tše di laeditšwe ka lebaka la palo ya godimo ya kgwebišano ka *e-Commerce*, ba Khasetomo ka SARS ba phethagaditše “tumelelo” ya dithoto tša boleng bja ka fase ga R500, fao batlišagae ba lefelago tekanyo ya 20% ya mabapi le makgetho a Khasetomo le go se lefele VAT.

Go bolela ka dipelaelo tše le go fana ka hlathollo go bagwebi bao ba amegago go tlišogae ya dithoto ka Kgwebo ya inthanete, SARS e tlo dira diphetogo tše mmalwa go ya ka motlhako wa Mokgatlo wa Lefase wa Khasetomo (WCO) go šomana le diphetogo tšeo di šetšego di fetogile tša kgwebišano.

Go tloga mengwageng ya 1990 thomelo ya palo e kgolo ya dithoto tše nnyane goba dithoto tša boleng bjo bo nnyane go ralala le mellwane tšeo di bego di sepetšwa ka khorla le ditirelo tša thomelo ya mangwalo a go sepetšwa ka lebelo di be di šetše di itemogetše kgolo e kgolo lefaseng ka bophara gomme se mafelelong se dirile gore Mokgatlowa Lefase wa Khasetomo (WCO) o tle ka tšweletšo ya ditshepetšo tša tokollo/tlelerense – yeo e tsebjago bjale ka “*WCO Guidelines on Immediate Release*”.

Ditlhahli tše di nepišitšwe go thuša maloko a WCO a taolo ya Khasetomo ka go laolela tshepetšo ya dithoto ka *e-Commerce*, go ya ka tshedimošo ya melawana yeo e filwego ke molaodi go Khasetomo pele ga ge dithoto di goroga, le go bea dithoto ka magoro a (4): -

Legoro la 1 – Ngwalelano le ditokumente – Ga go na boleng bja kgwebo, ga le lefišwe makgetho le metšhelo, tokollo ya semetsing go ya ka tsebišo yeo e teefaditšwego yeo e ka dirwago ka molomo goba go ngwalwa (manifesete, weyibili goba lenaneo la dilo tše bjale).

Legoro 2 – Thomelo ya dithoto tša boleng bja tlase ga morumo wo o beilwego mellwaneng yeo e sa lefišwego makgetho le metšhelo, le tlelerense ya semetsing le tokollo kgatthanong le manifesete, weyibili, weyibili ya ntlo, tsebišo ya thoto, goba lenaneo la dilo.

Legoro la 3 – Thomelo ya dithoto tša boleng bja tlase tša go lefišwa lekgetho (tsebišo e bonolo ya dithoto) – dithoto tša godimo ga dipeelo tšeo di beilwego, eupša ka fase ga morumo wa boleng bja tsebišo, le tirišo ya tsebišo e bonolo, goba tokollo kgatthanong le manifesete ka tatelo ya tlelerense e bonolo, bjale le bjale.

Legoro la 4 – Thomelo ya dithoto tša boleng bja godimo (tsebišo ya dithoto ka botlalo) – Thomelo ya dithoto yeo e sa welego ka fase ga magoro ao a laeditšwego ka godimo gape e akaretša thomelo yeo e swerego dithoto tše di nago le dithibelo. Ditshepetšo tša tokollo yeo e tlwaelegilego le tlelerense, go akaretša tefelo ya makgetho le metšhelo, di a akaretšwa.

Diphetogo tše di swanetšego go phethagatšwa:

- Tsebagatšo ya VAT godimo ga tekanyo ya go batalala ya gabjale ya 20% ya lekgetho la Khasetomo go tloga ka la 1 Setemere 2024 bjale ka magato a go dirišwa sebakanyana.
- Peakanyoleswa ya tekanyo ya go batalala ya 20% ka go tshepetšo ya WCO go magato a mathomo a 3 ka ditekanyo tša maleba tša makgetho, go tloga ka la 1 Nofemere 2024.

Khomišinare wa SARS Edward Kieswetter o boletše gore SARS e tla šomammogo le Kgoro ya Kgwebo, Intaseteri le Phadišano (DTIC), bjale ka bahlokomedi ba naga ba pholisi ya kgwebo le tšwetšopele, gammogo le batšeakarolo ba intasteri enngwe, go aga tshephagalo ya setšhaba ka go nyaka matsha a go lekanyetša lebala la go ralokela go šireletša diintasteri tša legae go dira matsha a dikgwebo go godiša ekonomi. O boletše gore SARS e tla kgetha go diriša “tirišo e kgolwane ya data, bohlale bja ekišo, thuto-metšhene ya dipalopalo tša khomphutha go nolofatša kgwebo kaone mola e fokotša tše di ka beago ekonomi kotsing”.

Go hwetša tshedimošo enngwe, ka kgopelo ikgokaganye le SARS go SARSMedia@sars.gov.za